

արս ժէ տուրկէր՝ տարան առաջի գքսին զօմն կէպուլ, և հարցանէր, և նա ասէ. Ոչ ես գիտեմ զհրամայողս, քանզի բազումք գնացեալ զօրծէին և ես ևս մէկ քանի օր բանեցայ: Եւ կրկին ասէ. Ո՞վ ետ ձեզ հրաման և ո՞վ էառ փող ի ձէնջ և կաշառ, ո՞չ ապաքէն մէյմար ազան ետ ձեզ հրաման. և նոքա ասեն՝ չգիտել: Եւ զնոսին արկին ի բանտ և սկսան տալ տանջանս կտտամահս և չարչարանս, ասել զմէյմարէ թէ նա ետ հրաման (Բէրէ):

Եւ Մայիսի ժՁ թէխլիս արարեալ զայս բան առ արքայ թէ ի գնալն մեր յէտրէնէ՝ քեաֆիրք միաբան լեալ և ԻՍ եկեղեցի իւրեանց շինեալ, և է պատճառ մէյմարն քո. զայս լուեալ արքայի՝ ասէ. Տաճկացուջիք¹⁾ և կամ սրոյ բաժին արասջիք: Այս կամք էր վէզիրին խորհրդեամբ Վանի ոմն շէյխ պղծոյ, բայց մուհտին և այլք զաղիէսքէրք չկամեցան զվնաս դալին. նա՛ և վասն դիմակ լինելոյ պղծոյն, նա և վասն հիլլէի շէրի առնելն Քեօփրուլուի, զի աղաղակն բարձրանայր յոյժ տառապելոց յամենայն դրունս մեծամեծաց, զծախն ի միրիէն եւ զհրաման տալն նոցա, զի ոմանք ի մեծամեծացն այսու արդարացուցին զմեզ: Թէպէտ ֆէթվա չետուր մուհտին, այլ բերանով ասաց՝ նա՛ եւ մազուլ քէհեպէկն եւ տէֆտէրտարն առին զկաշառս սոցա և ետուն հրաման, և ի ժամանակ շիւնութեան ո՞չ էին ամենայն բռնակալք աստ, ընդէ՞ր ասացին՝ Զի՞նչ է չէնք ձեր. այսու ամենայնիւ զանորէնս հաւատացուցին: Եւ երկրորդ անգամ տարեալ առաջի զկալանաւորս և հարցանէր վէզիր և ծանեան զկամս վէզիրի եւ ի բերան նորա՝ թէ զմէյմար խընգրէ, ասացին. Այո՛, և գրեցին. նա և Ղալաթոյ Յունացն ասացեալ պօստանճի Մուստաֆայ և Հասան խա-

1) տաճկացուցջիր.